

## TAZOS A MUILU

Ap'intesu  
 in sa cussorza sicca  
 da-e sas fortes caldanas de s'istiu  
 su nuscu 'e sa paza brujada.  
 Ap'idu  
 sos tazos a currillu  
 in sa terra atturrada,  
 semenad'e ispinnicos  
 muilenne affach'e su mortorzu.  
 Unu biju astringhendesu a sa mama  
 zinnu e vida, in mesu e s'ossera  
 incanida e isparta in su padente.  
 Tazos a muilu,  
 limbazu de piantu, de dolore.  
 Ojos alluttos  
 razzigan in s'iscuru e sa notte  
 leenne, chin su entu,  
 su grumu 'e sos fiados  
 lantados, chi su cras no han siguru.  
 In sa cussorza  
 s'iden lumeras a s'allugh'e mori,  
 s'intennen boghes 'a badde zumpada,  
 s'aera est isteddada,  
 sa luna risulana est avanzenne.  
 E deo  
 gristu, mudu, osservo e inteno,  
 su respiru affannadu  
 de custu mundu anticu,  
 morinne d'onzi die senz'amparu...

## ARMENTI MUGGIRE

*Ho udito / per i campi di stoppie / aride dal caldo estivo, / odore di paglia bruciata.  
 / Ho visto / correre i branchi / sulla terra infuocata, / seminata di scheletri / e  
 muggiti in mezzo al mortorio. / Un vitellino s'accosta alla madre / segno di vita,  
 in mezzo a tante ossa / brinate, sparpagiate nel campo. / Il muggire dei branchi  
 / è pianto di dolore. / Occhi di fuoco, nell'oscurità / rodon sentendo l'odore  
 sanguigno / delle bestie ferite, / che domani più non s'alzeranno. / Pei campi /  
 brilla e si spegne ancora qualche fuoco, / eco di voci rimbomba lontano / sotto il  
 cielo stellato, / la luna avanza con il suo sorriso. / Ed io / triste, muto, osservo e  
 sento / il mondo antico, inesorabilmente / respirar con affanno / morire tutt'i di  
 senza un aiuto.*